

Sarajevo, 07-02-2019

Broj: 02-03-6929

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl. novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17), a na prijedlog Komisije za javnu nabavku Izvještaj br. 03-06-5910 od 04.02.2019 godine, Generalna direktorica donosi:

### **ODLUKU**

o izboru najpovoljnijeg ponuđača  
za nabavku „digitalnog mamografa“ za potrebe Klinike za radiologiju

#### **I**

Prihvata se prijedlog Komisije za javnu nabavku, Izvještaj br. 03-06-5910 od 04.02.2019. godine za za nabavku „digitalnog mamografa“ za potrebe Klinike za radiologiju nakon provedenog otvorenog postupka sa međunarodnom objavom i ugovor se dodjeljuje ponuđaču **MEDIT d.o.o. Sarajevo** sa slijedećim elementima:

**Digitalni mamograf tip: 3 Dimensions HOLOGIC sa popratnom opremom**  
**Cijena: 650.000,00 KM + PDV 110.500,00 KM = 760.500,00 KM sa PDV-om**

Uslovi plaćanja: Odgođeno plaćanje u roku 60 dana, od dana isporuke, puštanja u rad i obostranog potpisivanja Zapisnika o primopredaji opreme, te ispostavljanja fakture.

Rok isporuke: 90 dana od potpisivanja kupoprodajnog ugovora i prijema narudžbenice.

Garancija: 12 mjeseci koja teče od dana potpisivanja zapisnika/protokola o primopredaji.

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i objaviće se na web stranici KCUS-a putem web stranice Kantona Sarajevo istovremeno sa dostavljanjem ponuđaču učesniku u postupku javne nabavke.

### **OBRAZLOŽENJE**

Na osnovu Odluke o pokretanju postupka javne nabavke br. 02-03-60830 od 23.11.2018. godine sa procijenjenom vrijednosti nabavke u iznosu od 650.000,00 KM bez PDV-a odnosno 760.500,00 KM sa PDV-om, Klinički centar Univerziteta u Sarajevu je 23.11.2018. godine objavio Obavještenje o nabavci pod brojem: 893-1-1-676-8-404-/18; 893-1-1-676-8-478/18 na portalu e-Nabavke zajedno sa tenderskom dokumentacijom i izmjenom tenderske dokumentacije (aneks 3) za nabavku „digitalnog mamografa“ za potrebe Klinike za radiologiju putem otvorenog postupka sa međunarodnom objavom.

Tendersku dokumentaciju preuzelo je 9 (devet), a izmjenjenu tenderske dokumentacije (aneks 3) je preuzelo 8 (osam) ponuđača, i do krajnjeg roka određenog za prijem ponuda, 18.01.2019 godine, dostavljene su dvije ponude i to ponuda ponuđača SIEMENS MEDICINA d.o.o Sarajevo i MEDIT d.o.o. Sarajevo.

Komisija imenovana Odlukom broj: 02-03-2620 od 17.01.2019.godine pristupila je provjeri dokumentacije dostavljene uz ponude i na osnovu detaljne analize Komisija je konstatovala da ponuda ponuđača

**Siemens Medicina nije dostavljena u skladu sa zahtjevima TD jer :**

**-nije dostavljena kataloška dokumentacija za „mamografski sto za izvođenje biopsija“** Komisija nije bila u mogućnosti utvrditi da ponuđeni sto ispunjava tražene zahtjeve. Dostavljanje kataloške dokumentacije je zahtjevano tačkom 3.1.2./ **Dobavljač se obavezuje: a )** Da će uz ponudu dostaviti **kataloški (prospektni) materijal** sa obilježenim tehničkim karakteristikama

- nije dostavljen „obostrano potpisani zapisnik o izvršenom obilasku prostora“ jer ponuđač nije izvršio obilazak u zakazanom terminu. TD obilazak prostora je bio obavezan.

-dostavljeni certifikat/i servisera (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme nisu odgovarajući. Dostavljeni su certifikati servisera koji su osposobljeni za održavanje druge opreme proizvođača Siemens.

Daljom analizom utvrđeno je da ponuđač - SIEMENS MEDICINA d.o.o. nije ispunio ni uslove koji se odnose na tehničke karakteristike tražene TD jer ponuđeni digitalni mamograf tip MAMMOMAT. REVELATION sa popratnom opremom ne ispunjava tehničke zahtjeve koji se odnose na:

- tačku 3, RTG Cijev u 3.6 traženo da je „Toplinski kapacitet anode min. 300kHU“; ponuđeno Toplinski kapacitet anode 243kHU i u kolonu potvrđivanja / negiranja DA/NE, ponuđač je naveo NE jer je svjestan da ponuđeno ne ispunjava tražene zahtjev

- tačku 7. Dijagnostička radna stanica u 7.2 traženo „Monitor „Approved for mammography“ dijagonale min 30“, single head – matrica min 10 MP (landscape), 1000 cd/m kalibrirano; ponuđeno single head - matrica 8 MP (landscape), a u kolonu potvrđivanja/negiranja DA/NE, ponuđač je naveo DA, mada predmetni zahtjev nije ispunjen.

- tačku 11. „mamografski sto za izvođenje biopsija“ jer nije dostavljena katalaška (prospektna) dokumentacija iz koje bi Komisija mogla vidjeti da ponuđeno ispunjava tražene tehničke zahtjeve.

Imajući u vidu naprijed navedeno Komisija je konstatovala da dostavljena ponuda ponuđača SIEMENS MEDICINA d.o.o. Sarajevo ne sadrži tražene elemente ponude i ne ispunjava formalno pravne, suštinske kao ni tehničke zahtjeve postavljene tenderskom dokumentacijom, te je ne prihvatljiva i ne može biti predmet vrednovanja, po utvrđenom kriteriju vrednovanja ponuda, najniža cijena za zadovoljavajuće/prihvatljive ponude.

Ponuda ponuđača MEDIT d.o.o. ispunjava formalno pravne, suštinske kao i tehničke zahtjeve postavljene TD, te je prihvatljiva i može biti predmet vrednovanja, po utvrđenom kriteriju vrednovanja ponuda, najniža cijena zadovoljavajuće ponude.

Za predmetni postupak javne nabavke dostavljena je samo jedna prihvatljiva ponuda i e-aukcija nije zakazana na osnovu člana 3. tačke 3 Pravilnika o uslovima i načinu korištenja e-aukcije (Službeni glasnik BiH 66/16), tako da je postupak okončan u skladu sa članom 69. ZJN („Službeni glasnik BiH“, broj 39/14).

Obzirom da je cijena zadovoljavajuće/prihvatljive ponude u okviru osiguranih sredstava za nabavku, te da je u međunarodnom otvorenom postupku sa objavljivanjem zadovoljena transparentnost, Komisija je dala prijedlog, Izvještaj br. 03-06-5910 od 04.02.2019. godine da se za nabavku „digitalnog mamografa“ sa popratnom opremom za potrebe Klinike za radiologiju, donese odluka o izboru najpovoljnijeg ponuđača i ugovor dodjeli ponuđača MEDIT d.o.o. Sarajevo čija je ponuda ocijenjena kao prihvatljiva/najpovoljnija po cijeni od 650.000,00 KM bez PDV-a.

Prijedlog Komisije je prihvaćen i donijeta je odluka kao u dispozitivu.



GENERALNA DIREKTORICA

Prof.dr. Sebilja Izetbegović

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Tehnički sektor
- a/a KCUS